



Broj: 01-04-21-6-2021/25

Datum: 02.09.2025.godine

Na osnovu člana 8. Zakona o ministarskim, vladinim i drugim imenovanjima (« Službene novine Federacije Bosne i Hercegovine» br. 12/03, 34/03 i 65/13) i člana 6. Pravilnika o standardima i kriterijima za imenovanje članova Nadzornih i Upravnih odbora u privrednim društvima, preduzećima i ustanovama prema kojima ovlaštenja i obaveze po osnovu državnog kapitala imaju organi Općine Travnik („Službene novine Općine Travnik“, broj: 5/14) u postuku imenovanja na pozicije u reguliranim organima iz nadležnosti Općine Travnik, Načelnik Općine Travnik, **o b j a v l j u j e**

## JAVNI OGLAS

### za izbor i imenovanje na pozicije predsjednika/člana Nadzornog odbora JP Regionalni vodovod „Plava voda“ Travnik čiji je osnivač Općina Travnik

#### I - Uvod

Objavljuje se javni oglas za izbor i imenovanje predsjednika/člana Nadzornog odbora javnog preduzeća čiji je osnivač Općina Travnik i to:

#### II- Nadzorni odbor:

##### 1. JP Regionalni vodovod „Plava voda“ Travnik **ukupno 3 pozicije**

- predsjednik/član nadzornog odbora - ispred osnivača **3 pozicije**

#### III – Opis pozicije

Predsjednik Nadzornog odbora rukovodi sjednicama Nadzornog odbora, stara se o pripremi materijala za sjednice Nadzornog odbora i izvršenju akata Nadzornog odbora i obaveza prema Općini Travnik, obavlja i druge poslove utvrđene Statutom i drugim aktima reguliranog organa.

Predsjednik i članovi Nadzornog odbora reguliranog organa, nadziru rad i poslovanje direktora preduzeća, a naročito u segmentu upravljanja i raspolaganja kapitalom i imovinom preduzeća: utvrđuju politiku razvoja, razmatraju i usvajaju izvještaje o poslovanju, predlažu raspodjelu i način upotrebe dobiti, odnosno način pokrića gubitka u poslovanju, donose opća akta, rješavaju u drugom stepenu po žalbi na odluke direktora, te obavljaju druge poslove u skladu sa Zakonom i Statutom preduzeća.

Predsjednik i članovi Nadzornog odbora imenuju se na period od 4 (četiri) godine uz mogućnost ponovnog imenovanja u skladu Zakonom.

Imenovana lica imaju pravo na naknadu u skladu sa Zakonom i uslovima utvrđenim općim aktima preduzeća i ista će se isplaćivati iz sredstava preduzeća u koje budu imenovani.

#### IV – Kandidati za imenovanje na pozicije u Nadzornom odboru moraju ispunjavati:

- opće i
- posebne uslove

#### Opći uslovi za imenovanje:

- da su državljani BiH
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od tri (3) godine prije dana objavljivanja upražnjene pozicije,

- da se na njih ne odnosi član IX. 1. Ustava Bosne i Hercegovine,
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima ("Službene novine Federacije BiH", br. 12/03, 34/03 i 65/13),
- da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa,
- da im nije pravosnažnom presudom nadležnog suda izrečena zabrana obavljanja aktivnosti koje su u nadležnosti preduzeća odnosno ustanove za koju se kandidiraju,
- da nisu stariji od 70 (sedamdeset) godina na dan imenovanja,
- da nisu član više od jednog Upravnog ili Nadzornog odbora, odnosno odbora za reviziju.

#### b) Posebni uslovi za imenovanje:

- kandidat za predsjednika nadzornog odbora javnog preduzeća mora da ima najmanje visoku stručnu spremu (VSS – VII stepen) ili visoko obrazovanje prvog ciklusa (najmanje 240 ECTS), drugog ili trećeg ciklusa Bolonjskog sistema studiranja i najmanje 3 (tri) godine radnog iskustva
- kandidati za člana nadzornog odbora javnog preduzeća mora da ima najmanje višu stručnu spremu (VŠS – VI stepen) ili visoko obrazovanje prvog ciklusa (najmanje 180 ECTS) Bolonjskog sistema studiranja i najmanje 1 (jednu) godinu radnog iskustva
- kandidati za predsjednika/člana nadzornog odbora javnog preduzeća mora da posjeduje Certifikat o završenom usavršavanju propisan Uredbom o usavršavanju predsjednika i članova nadzornih odbora i uprava privrednih društava sa većinskim učešćem kapitala ("Službene novine Federacije BiH", br.71/09, 33/10 i 40/10)
- da je uspješan privrednik-menadžer ili javni radnik,
- da imaju sposobnost nepristrasnog donošenja odluka, komunikacijske i organizacione sposobnosti,
- da imaju pozitivne rezultate rada ostvarene tokom poslovne karijere,
- preporuke ranijih neposrednih rukovodilaca (po mogućnosti).

#### V - Potrebni dokumenti

Uz vlastoručno potpisanu prijavu na javni oglas kandidati su dužni priložiti sljedeću dokumentaciju u originalu ili u ovjerenjima od nadležnog organa za ovjeru:

- kraću biografiju (vlastoručno potpisanu), adresu i kontakt telefon,
- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka od nadležnog suda ne starije od 3 mjeseca,
- uvjerenje da im nije pravosnažnom presudom nadležnog suda izrečena zabrana obavljanja aktivnosti koje su u nadležnosti preduzeća za koju se kandidiraju,
- diplomu o školskoj spremi,
- uvjerenje o radnom iskustvu
- certifikat o završenom usavršavanju propisan Uredbom o usavršavanju predsjednika i članova nadzornih odbora i uprava privrednih društava sa većinskim učešćem kapitala
- potpisanu i ovjerenu izjavu (obrazac izjave može se preuzeti na šalteru u Centru za pružanje usluga općine Travnik) kojom kandidat potvrđuje sljedeće:
  - da nije otpušten iz državne službe kao rezultat disciplinske mjere, odnosno da ne radi u organu državne službe (ako ne radi u organu državne službe)
  - da se na kandidata ne odnosi član IX 1. Ustava BiH,
  - da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
  - da nije izabrani zvaničnik/zvaničica, nositelj/nositeljica izvršne funkcije ili savjetnik/savjetnica u smislu Zakona o sukobu interesa u organima vlasti Federacije Bosne i Hercegovine,
  - da nije član više od jednog upravnog ili nadzornog odbora, odnosno odbora za reviziju.
  - Ukoliko kandidat ne posjeduje certifikat o stručnom usavršavanju propisan Uredbom o usavršavanju predsjednika i članova nadzornih odbora i uprava privrednih društava sa većinskim učešćem kapitala, dužan je dostaviti ovjerenu izjavu kod nadležnog organa u kojoj će se obavezati da će ukoliko bude izabran na poziciju predsjednika/člana nadzornog odbora roku od šest mjeseci proći stručno usavršavanje i steći certifikat o završenom usavršavanju, odnosno

dostaviti važeće uvjerenje o statusu kandidata u postupku usavršavanja u skladu sa navedenom Uredbom.

Svi kandidati koji budu ispunjavali opće i posebne uslove, odnosno budu stavljeni na listu sa užim izborom bit će pozvani na intervju.

Prije intervjua komisija može tražiti od neposrednih ranijih rukovodilaca, preporuke o kandidatima.

~~Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.~~

U postupku konačnog izbora prednost imaju kandidati koji u potpunosti ispunjavaju opće i posebne uslove i viši stepen stručne spreme.

Nakon intervjua Komisija za izbor će predložiti rang listu sa najboljim kandidatima i dostaviti Općinskom vijeću Travnik na dalje razmatranje i konačno imenovanje.

Konačno imenovanje će se objaviti u "Službenim novinama Općine Travnik".

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federacije BiH. Prigovor na konačna imenovanja se podnosi Općinskom vijeću Travnik.

Javni oglas ostaje otvoren 15 dana od dana objavljivanja u "Službenim novinama Federacije BiH", Oglasnoj tabli općine Travnik i web stranici Općine Travnik.

Rok za podnošenje prijave računa se prema datumu objave oglasa u glasilu koje zadnje objavi oglas.

Prijave sa svim traženim dokumentima dostaviti lično ili poštom na adresu: Općina Travnik, Konatur bb, 72270 Travnik sa naznakom «Prijava na javni oglas za izbor i imenovanje predsjednika/člana Nadzornog odbora JP Regionalni vodovod „Plava voda“ Travnik - NE OTVARAJ.

Neblagovremene, nepotpune i nuredne prijave neće se uzeti u razmatranje.

**N A Č E L N I K**

*dr. sci. Kenan Dautović*



